

### § 19. ԴԱՍԱԿԱՆ ԴԱՐԱՇՐՋԱՆԻ ՀՈՒՆԱԿԱՆ ՄՇԱԿՈՒՅԹԻ ԱԶԴԵՑՈՒԹՅՈՒՆԸ

1

Սկզբնական շրջանում յուրաքանչյուր տոհմ կամ ցեղ ուներ իր աստվածները: Երբ կազմավորվեց հույն ժողովուրդը, բազմաթիվ աստվածներից համանունական նշանակություն ստացան 12-ը:

<b>Աստվածների ընդանիքը՝ հին հույների պատկերացմամբ</b>	
<b>Ջևա</b>	կայծակի և ամպրոպի աստվածը, աստվածների հայրը
<b>Հերա</b>	ընդանիքի և մայրության հովանավորը, Ջևաի կինը
<b>Պոսեյդոն</b>	ծովերի և օվկիանոսի աստվածը, Ջևաի եղբայրը
<b>Դեմետրա</b>	բնության զարթոնքի և պտղաբերության աստվածուհին, Ջևաի քույրը
<b>Ապոլոն</b>	արևի աստվածը, գիտության և արվեստների հովանավորը, Ջևաի որդին
<b>Արտեմիս</b>	լուսնի աստվածուհին, անտառների և որսորդության հովանավորը, Ապոլոնի քույրը
<b>Արես</b>	պատերազմի, մահվան աստվածը, Ջևաի և Հերայի որդին
<b>Աֆրոդիտե</b>	սիրո և գեղեցկության աստվածուհին, Ջևաի և Հերայի դուստրը
<b>Հեփեստոս</b>	դարբնության աստվածը, արհեստների հովանավորը, Ջևաի և Հերայի որդին
<b>Աթենաս</b>	իմաստության աստվածուհին, քաջերի և հերոսների հովանավորը, Ջևաի դուստրը
<b>Դիոնիսոս</b>	գինեգործության և տոնախմբության աստվածը, թափրոնի հովանավորը, Ջևաի որդին
<b>Հերմես</b>	անասնապահության, առևտրի և ծովագնացության աստվածը, Ջևաի որդին
<b>Հադես</b>	ստորերկրյա թագավորության (Տարտարոսի) աստվածը, Ջևաի եղբայրը
<b>Պերսեփոնե</b>	Հադեսի կինը, մեռնող և հարություն առնող բնության աստվածուհին, Դեմետրայի դուստրը

Մարդիկ կարծում էին, որ աստվածները մարդկանց պես ապրում են նահապետական ընտանիքով և բոլորը ենթարկվում են ընտանիքի ավագին: Հույներն առավել կարևորում էին այն աստվածներին, որոնք հովանավորում էին մարդկանց հիմնական զբաղմունքները: Մարդիկ սովորաբար դիմում էին իրենց մասնագիտությունը հովանավորող աստծուն. երաժիշտներն ու բանաստեղծները՝ Ապոլոնին, դարբինները՝ Հեփեստոսին, հողագործները՝ Դեմետրային կամ Դիոնիսոսին, առևտրականները՝ Հերմեսին:

Հույները համոզված էին, որ աստվածներն են որոշում մարդկանց ձակատագիրը, օգնում կամ խանգարում նրանց: Իրենց աստվածների պատվին նրանք շքեղ տաճարներ էին կառուցում, գեղեցիկ արձաններ կերտում և կենդանիներ զոհաբերում: Նրանց մասին գեղեցիկ առասպելներ էին հորինում:

Առասպելներից մեկն այն մասին է, թե ինչպես **Պրոմեթևս** Օլիմպոսից գողացավ կրակը և տվեց մարդկանց: Նա մարդկանց սովորեցրեց մետաղներ մշակել, վար ու ցանք անել, արհեստներով զբաղվել, գրել, կարդալ և հաշվել: Նա, հեշտացնելով մարդկանց կյանքը, նրանց ուրախություն պարգևեց: Զայրացած Զևսը նրան գամեց Կովկասի լեռներին և դատապարտեց հավերժական տանջանքների:



**Արգոնավորդների** մասին առասպելում նկարագրվում է, թե ինչպես հերոս Յասոնն ուղևորվեց հեռավոր Կոլխիդա՝ Ոսկե գեղմը բերելու: Նրա հետ մեկնեցին ուրիշ շատ հերոսներ Հունաստանի տարբեր քաղաքներից: Նրանք ուղևորվեցին «Արգո» նավով, դրա համար էլ կոչվեցին արգոնավորդներ: Բազմաթիվ արկածներից հետո հասնելով Կոլխիդա՝ Յասոնը կարողացավ սպանել Ոսկե գեղմը պահպանող վիշապին և, դրան տիրանալով, վերադառնալ Հունաստան:

Հունական առասպելների սիրված հերոսը Զևսի որդի **Հերակլես** էր: Հերա աստվածուհին ամեն ինչ

անում է նրան կործանելու համար: Նրա ուղարկած 2 օձերը պետք է խեղդեին օրորոցում քնած Հերակլեսին: Բայց մանուկ հերոսն ինքը խեղդեց օձերին: Մեծանալով՝ Հերակլեսը դարձավ արտակարգ ուժի տեր տղամարդ: Շրջագայելով ողջ Հելլադայով՝ նա 12 սխրանք կատարեց, **սպանեց հսկա առյուծին**, վարազին, ցուլին, հիդրային, ազատեց Պրոմեթևսին, հաղթեց ամազոնուհիներին և այլն:


Հերակլեսի հայտնի քաջագործություններից էր Ավգյան այտոռների մաքրումը: Օլիմպիա քաղաքի Ավգոս արքան եզների մեծ նախիր ուներ: Դրանց այտոռները երբեք չէին մաքրվել: Նրան, ով մեկ օրում կկարողանար մաքրել այտոռները, Ավգոսը խոստացել էր տալ իր նախրի կեսը: Հերակլեսը, մոտակա երկու գետերի ջրերը շրջելով դեպի այտոռները, մեկ օրում մաքրեց այն: Բայց Ավգոսն իր խոստումը չկատարեց: Զայրացած Հերակլեսը օգնության կանչեց Հունաստանի հայտնի հերոսներին, նրանց օգնությամբ հաղթեց և սպանեց Ավգոսին: Դրանից հետո նա Օլիմպիա քաղաքում հատուկ սպորտային խաղեր սահմանեց, որոնք տեղի էին ունենում 4 տարին մեկ անգամ: Դրանք նշանավոր Օլիմպիական խաղերն էին:

## ԻԼԻԱԿԱՆ

Տրոյա պետությունը գտնվում էր Փոքր Ասիա թերակղզու ծովափին: Հույներն այդ քաղաքը կոչում էին Իլիոն, այստեղից էլ ծագել է պոեմի անունը: «Իլիականը» հույների և տրոյացիների տասնամյա պատերազմի մասին է: Տրոյայի արքայորդի Պարիսն առևանգել էր գեղեցկուհի Հեղինեին՝ Սպարտայի արքա Մենելայոսի կնոջը: Աքայական պետությունները միավորվեցին տրոյացիներից վրեժ լուծելու համար: Տրոյական արշավանքին մասնակցեցին բասիլևսներ Ոդիսևսը, Նեստորը, հունական նշանավոր հերոս Աքիլեսը և ուրիշներ:



Աքիլեսն իր մարտակառքով քարշ է ցույց տալիս Հեկտորի դին:



Հույները տասը տարի պատերազմեցին, սակայն բարձր պարիսպներ ունեցող Տրոյան գրավել չէին կարողանում: Տրոյացիները Հեկտորի գլխավորությամբ հաջողությամբ պաշտպանում էին իրենց քաղաքը: Ի վերջո Ռդիսևը մի խորամանկ հնար գտավ: Հույները պատրաստեցին մի շատ մեծ փայտե ձի, որի մեջ թաքնվեցին

հույն զինվորները: Իբրև թե պատերազմից հոգնած հունական զորքը նստեց նավերը և հեռացավ:

**Տրոյացիները փայտե ձին** ներս տարան քաղաք, կարծելով, որ դա աստվածների պատվին պատրաստված նվեր է: Գիշերը հույները, ձիուց դուրս գալով, բացեցին Տրոյայի դարպասները և վերադարձած հունական բանակը ներխուժեց քաղաք: Տրոյան թալանվեց և ավերվեց:

## ՌԴԻՍԱԿԱՆ

Տրոյական պատերազմի ավարտից հետո Ռդիսևսի տունդարձի ժամանակ, փոթորկից կործանվում են նրա 11 նավերը: Ռդիսևսը, միակ փրկված նավով և ողջ մնացած ուղեկիցներով, երկար թափառում է ծովերում և բազմաթիվ արկածների հանդիպում:



Ռդիսևսը Սիրենների կղզում

Հայրենի Իթակե կղզում Ողիսևսին վաղուց մեռած էին համարում: Տրոյական պատերազմի ավարտից արդեն անցել էր տասը տարի: Բազմաթիվ փեսացուներ համոզում էին Ողիսևսի կնոջը՝ Պենելոպեին, ամուսնանալ իրենցից մեկի հետ, որն էլ կդառնար կղզու թագավորը: Բայց Պենելոպեն հավատում էր, որ Ողիսևսը ողջ է, և չէր ուզում նորից ամուսնանալ: Քսան տարվա բացակայությունից հետո տուն վերադառնալով՝ Ողիսևսը սպանում է բոլոր փեսացուներին և կրկին թագավորում Իթակեում:



2

Հին Հունաստանի ամենահեղինակավոր գուշակավայրը գտնվում է Դելֆիքի Ապոլոնի տաճարում: Հատուկ պատգամախոս քրնուհին՝ **պյուրֆան**, հարցում ստանալով անցնում էր տաճարի խորքում գտնվող հատուկ սրահը, ուր գետնի ձեղքից դուրս էին գալիս թունավոր գոլորշիներ: Դրանց ազդեցությանը պյուրֆան հայտնվում էր կիսագիտակից վիճակում և արտաբերում էր ինչ-որ խոսքեր, որոնք համարվում էին Ապոլոն աստծո պատասխանը տրված հարցին: Քրմերը գրի էին առնում պյուրֆայի խոսքերը և հանձնում հարցատուին: Իհարկե, նման հարցումների համար պետք էր բարձր վճար մուծել տաճարին: Պատասխանը սովորաբար լինում էր մշուշապատ և երկիմաստ: Հիշեք, օրինակ, Լիդիայի արքա Կրեոսի հարցումը, թե ինչ կպատահի, եթե ինքը պատերազմ սկսի Պարսկաստանի դեմ, և պյուրֆայի տված գուշակությունը:

5






*Դելֆիք, Ապոլոնի փաճարը և գուշակավայրը*

3



*Էպիդավրոսի թատրոնը*


6



Դորիական ոճ

Կորնթական ոճ

Հոնիական ոճ



Հունական փաճարի արտաքին տեսքը





Չևսի արձանը Օլիմպիայում



Տիդիաս



Աթենասի արձանը Ակրոպոլիսում

### Լրացուցիչ նյութ

### Հիշենք, թե՛ մոռանանք Հերոստրատին

Ք.ծ.ա. VI դարի կեսին, Փոքր Ասիայի հունական Հեփեսոս քաղաքի բնակիչները քաղաքում սպիտակ մարմարից շքեղագարդ տաճար կառուցեցին նվիրված վայրի կենդանիների և բնության պահապան Արտեմիս աստվածուհուն: Տաճարի շինարարության համար մեծ գումար հատկացրեց և հարևան Լիդիա պետության արքան Կրեստը:

Հոյակերտ տաճարն ուներ 100 մ երկարություն, 50 մ լայնություն և 18 մ բարձրություն: Երկթեք տանիքը հենվում էր 127 մարմարե սյուների վրա: Ներսում դրված էր հավերժ երիտասարդ Արտեմիս աստվածուհու փղոսկրից պատրաստված գեղեցիկ արձանը, որի ոտնամանները անգամ մաքուր ոսկուց էին:

Հույները և հարևան ժողովուրդները այդ սքանչելի կառույցը համարում էին հին աշխարհի հրաշալիքներից մեկը: Շատերը հավատում էին, որ աստվածուհին անձամբ պաշտպանում և հովանավորում է իր պատվին կառուցված տաճարը: Անգամ Ք.ծ.ա. IV դարում Հեփեսոսը գրաված պարսիկները չհամարձակվեցին վնաս պատճառել տաճարին:



Բայց ահա Ք.ծ.ա. 356 թ. հուլիսի 21-ի գիշերը, Հերոստրատ անունով ոմն երիտասարդ, հրկիզեց Արտեմիսի հրաշագեղ տաճարը: Չարագործը չէր էլ փորձում թաքնվել, նրան անմիջապես ձերբակալեցին: Մահապատժից առաջ, հարցաքննության ժամանակ նա չզղջաց իր կատարածի համար և հայտարարեց, որ տաճարը հրկիզել է, որպեսզի անմահացնի իր անունը: Ցավոք դա նրան հաջողվեց:

Ջագրելի չարագործությունից ցնցված, մարդիկ պայմանավորվեցին երբևէ չհիշատակել այդ փառամոլ հանցագործի անունը: Սակայն, շատ տարիներ անց, հռետոր Թեոպոմպեսը իր ճառերից մեկում, որպես փառասիրության օրինակ, հիշատակեց Հերոստրատի անունը: